

摘藻堂四庫全書薈要

集部

欽定四庫全書蒼要

御選歷代詩餘卷七十五目錄一百

二守

水龍吟

下

張榘

五首

洪璚

方千里

陳以莊

黃昇

吳文英 二首

陳允平

丁宥

周密 三首

王沂孫

張炎

樓扶

汪元量

王易簡

呂同老

練恕可

趙汝鈞

唐珏

趙聞禮

施岳

陳沂孫

葛長庚

王渥

段克己

王暉

白樸

周景

曾允元

薩都拉

張翥 五首

張埜 十首

劉基 三首

趙南星

沈宜修

葉小鸞

前調 又一體

曹組

前調 又一體

趙長卿

前調 又一體

程垓

吳文英

前調 又一體

吳文英

前調 又一體

趙彥端

前調 又一體

辛棄疾

御選歷代詩餘卷七十五目錄

欽定四庫全書薈要卷二萬七百五十三

集部

御選歷代詩餘卷七十五

一百
二字

水龍吟 下

水龍吟

次韻虛齋先生
雨花宴集

張榘

暮雲低鎖荒臺凭闌四望天垂地曼花半夜蜚香繚繞
昔人曾記往事悠悠物華非舊江山仍麗悵斜陽芳草
長安不見誰共灑新亭淚 開放林巒舊址動騷人一
番詞意青油幕裏相忘魚鳥水邊雲際却恨清遊未能

追逐區區僚底問，何如脫了塵埃墨綬爲虛齋醉。

前調

張榘

晝長簾幙低垂時，時風度楊花過梁間燕子芹隨香觜。
頻沾泥浣苦被流鶯蹴，翻花影一闌紅露看殘梅飛盡。
枝頭微認青青子，些兒大誰道洞門無鎖翠苔蘚何。
曾踏破好天良夜清風明月，正須著我閒展蠻牋寄情。
詞調唱成誰和問，曉山亭下山茶經雨早來開麼。

前調

次前韻

張榘

暮天絲雨輕寒寒光春色看看過梅花謝了蒼苔萬點
香殘粉浣猶喜牆頭一枝嬌裊杏顚微露筭幾回逗曉
朱闌獨倚悄只怕東風大 浮世名韉利鎖這區區要
須識破滄波夜月翠微雲樹依然還我重結鷗盟細聽
鶯語自歌自和問黃沙飛鏃紅塵走馬又還知麼

前調

頑雪欺春
次前韻

張 榘

先來花較開遲怎禁風雪摧殘過紅英紫萼從他點綴
翻成沾浣一點清香幾多穠豔緊藏不露伴楊花散漫

逡巡堆積纖粟處妝成大
多謝東君造化把羣英一
朝除破千機錦繡露濃香軟中間坐我嚼徵含商振金
敲玉墮麈相和問西湖別有一番桃李肯同遊麼

前調

次前韻

張榘

近家添得園亭曉山時看飛雲過擁石栽梅疏池傍竹
翦除蕪浣更喜南牆杏顛桃臉含羞微露筭鶯花世界
都來十畝規模好何須大
開放兩眉上鎖把春前新
醅撥破病酒無聊且容觴客無多酌我底用歌喉柳邊

自有鳴禽相和逗歸來折得花枝教看似人人麼

前調

迥和足
次曹

洪璚

經年不見書來後期杳杳從誰問梅英臘小柳枝金嫩
豔陽春近羅幙風柔泛紅浮綠連朝花信念平生多少
情條恨葉鎮長使芳心困可是風流薄命鏡臺前鬢
髮餘鬢茜桃凝粉薰蘭漲膩翠愁紅損縱使歸來燈前
月下恐難相認卷重簾顛顛殘妝淚洗把羅襟搵

前調

海棠次周
美成韻

方千里

錦城春色移根麗姿迴壓江南地瓊酥拂臉粉雲滿袖
羣芳羞避雙燕來時暮寒庭院雨藏烟閉正春眠未足
宮妝尚怯還輕灑臙脂淚長是歡遊花底怕東風陡
成怨吹高燒銀燭梁州催按歌聲漸起綠態多慵紅情
不語動搖人意算吳宮獨步昭陽第一可依稀比

前調

陳以莊

晚來江濶潮平越船吳榜催人去嵇山滴翠胥濤濺恨
一襟離緒訪柳章臺問桃仙浦物華如故向秋娘渡口

秦娘橋畔依稀是相逢處
窈窕青門紫曲舊羅新衣
翻金縷舊音恍記輕攏慢撚哀絃危柱金屋難成阿嬌
已遠不堪春暮聽一聲杜宇紅殷綠老雨花風絮

前調

黃昇

少年有志封侯彎弓欲挂扶桑外一朝斂縮蕭然清興
了無拘礙袖裏陰符枕中鴻寶功名蟬蛻看舌端霹靂
劇談玄妙人間世疑無對
闌苑醉鄉佳處想當年綠
英猶在羣仙寄語不須點勘鬼神功罪碧海千尋赤城

萬丈風高浪快待踞龜食蛤相期汗漫與煙霞會

前調

惠山泉

吳文英

豔陽不到青山古陰冷翠成秋苑吳娃點黛江妃擁髻
空濛遮斷樹密藏溪草深迷市峭雲一片二十年舊夢
輕鷗素約霜絲亂朱顏變龍吻春霏玉濺煮銀餅羊
腸車轉臨泉照影清寒沁骨客塵都浣鴻漸重來夜深
華表露零鶴怨把閒愁換與樓前晚色棹滄波遠

前調

吳文英

杜陵新柳狂吟硯波尚濕紅衣露仙桃宴早江梅春近
還催客句宮漏傳雞禁門嘶馬宦情熱處正黃編夜展
天香字暝春蔥翦紅蜜炬 宮帽鸞枝碎舞思飄颺
仙風舉星羅萬卷雲驅千陣飛豪海雨長壽杯深探春
腔穩江湖同賦又看看便繫金狨鶯曉傍西湖路

前調

化鳳
花

陳允平

杜鵑啼老春愁淚痕化作胭脂雨飛花亂點東風枝上
紅翔翠翥丹穴鳴初碧梧棲未淒涼山鳩悵瓊姬夢遠

玉簫聲斷孤鸞影對誰舞
林下風光自許算何心玉
京瑤圃闌干碎倚遊塵香散芳菲無主
經院僧眠月樓
鐘靜欲飛還駐待青松化盡蒼龍頭角共乘雲去

前調

丁宥

鴈風吹裂雲痕小樓一縷斜陽影殘蟬抱柳寒蛩入戶
淒音忍聽愁不禁秋夢還驚客青燈孤枕未更深早是
梧桐泣露那更度蘭宵永空歎銀餅金井醉鄉醒溫
柔鄉冷征塵倦撲聞花漫舞何心管領葱指冰絃蕙懷

春錦楚梅風韻悵芙蓉城杳藍雲依黯鎖巫峰暝

前調

周密

燕翎誰寄愁籌天涯極望王孫草新煙換柳光風浮蕙
餘寒尚峭倚杖看雲翦燈聽雨幾番詩酒歎長安倦客
江南舊恨飛花亂清明後堤上斜陽風驟散香綿輕
沾吟袖麴塵兩岸紋波十里暖蒸香透海闊雲深水流
春遠夢魂難勾問鶯邊按譜花前覓句解相思否

前調

周密

舞紅輕帶愁飛寶靨暗憶章臺路吟香醉雨吹簫門巷
飄梭院宇立盡殘陽眼迷晴樹夢隨風絮歎江潭冷落
依依舊恨人空老柳如許錦瑟年華暗度賦行雲空
題短句晴絲繫燕么絃彈鳳文君更苦煙水流紅暮雲
凝紫是春歸去悵江南望遠蘋花自採寄將愁與

前調

白蓮

周密

素鸞飛下青冥舞衣半惹涼雲碎藍田種玉綠房迎曉
一匳秋意擎露盤深憶君涼夜暗傾鉛水想鴛鴦正結

梨雲好夢西風冷還驚起
應是飛瓊仙會倚涼飈碧
簪斜墜輕妝鬪白明璫照影紅衣羞避霽月三更粉香
千點靜聞十里聽湘絃奏徹冰綃偷翦聚相思淚

前調

白蓮

王沂孫

翠雲遙擁環妃夜涼按徹霓裳舞鉛華淨洗娟娟出浴
盈盈解語太液荒寒海山依約斷魂何許甚人間別有
冰肌雪豔嬌無奈頻相顧
三十六陂煙雨舊淒涼向
誰堪訴如今漫說仙姿自潔芳心更苦羅韞初停玉璫

還解早凌波去試乘風一葉重來月底與修花譜

前調

白蓮

張炎

仙人掌上芙蓉娟娟猶濕金盤露輕妝照水纖裳玉立
飄飄似舞幾度銷凝滿湖煙月一汀鷗鷺記小舟夜悄
波明香遠渾不見花開處應是浣紗人妒褪紅衣被
誰輕悞閒情談雅冶容清潤憑嬌待語隔浦相逢偶然
傾蓋似傳心素怕湘皋珮解綠雲十里捲西風去

前調

梨花

樓扶

素娥洗盡繁妝夜深步月秋千地輕顛暈玉柔肌籠粉
緇塵斂避霽雪留香曉雲同夢昭陽門閉悵仙源路香
曲欄人寂疎雨濕盈盈淚未放遊蜂葉底怕春歸不
禁狂吹象牀困倚冰魂微醒鶯聲喚起愁對黃昏恨催
寒食滿襟離思想千紅過盡一枝獨冷把梅花比

前調

淮河舟中夜
聞宮人琴聲

汪元量

鼓鞞驚破霓裳海棠亭北多風雨歌闌酒罷玉啼金泣
此行良苦駝背糝糊馬頭匱匝朝朝暮暮自都門燕別

龍艘錦纜空載得春歸去
目斷東南半壁悵長淮已
非吾土受降城下草如霜白
淒涼酸楚粉陣紅圍夜深
人靜誰賓誰主對漁燈一點
羈愁一搦譜琴中語

前調

白蓮

王易簡

翠裳微護冰肌夜深暗泣
瑤臺露芳容淡泞風神蕭散
凌波晚步西子殘妝環兒初起
未須勻注看明璫素韞
相逢顛顚當應被薰風悞
十里雲愁雪妒抱淒涼盼
嬌無語當時姊妹朱顏褪
酒紅衣按舞別浦重尋舊盟

惟有一雙鷗鷺伴玉顏月曉盈盈冷豔洗人間暑

前調

白蓮

呂同老

冰肌不污天真曉來玉立瑤池裏亭亭翠蓋盈盈素靨
時妝淨洗太液波翻霓裳舞罷斷魂流水甚依然舊日
濃香淡粉花不似人顛顚欲喚凌波仙子泛扁舟浩
波千里只愁回首冰匳半掩明璫亂墜月影淒迷露華
零落小欄誰倚共芳盟猶有雙棲雪鷺夜寒驚起

前調

白蓮

練恕可

素姬初宴瑤池珮環誤落雲深處分香華井洗妝湘渚
天姿淡泞碧蓋吹涼玉冠迎曉盈盈笑語記當時乍識
江明夜淨只愁被嬋娟誤幾點沙邊飛鷺舊盟寒遠
迷煙雨相思未盡纖羅曳水清鉛泣露玉鏡臺空銀瓶
綆絕斷魂何許待今宵試採中流一葉共凌波去

前調

白蓮

趙汝鈞

淡妝不埽蛾眉為誰佇立羞明鏡真妃解語西施淨洗
娉婷顧影薄露初勻纖塵不染移根玉井想飄然一葉

颼颼短髮中流卧浮煙艇
可惜瑤臺路迴抱淒涼月
中難認相逢還是冰壺浴罷牙牀酒醒步鞵空留羽衣
微褪粉殘香冷望海山依約時時夢想素波千頃

前調

白蓮

唐 珣

淡妝人更嬋娟晚匳淨洗鉛華膩泠泠月色蕭蕭風度
嬌紅欲避太液池空霓裳舞倦不堪重記歎冰魂猶在
翠輿難駐玉簪為誰輕墜 別有凌空一葉泛清寒素
波千里珠房淚濕明璫恨遠舊遊夢裏羽扇生秋瓊樓

不夜尚遺仙意奈香雲易散綃衣半脫露涼如水

前調 水仙花

趙聞禮

幾年種玉藍田綠雲翠水烘春暖衣薰麝馥鞞羅塵沁
凌波步淺鈿碧搔頭膩黃冰腦參差難翦乍聲沉素瑟
天風珮冷踟躕舞霓裳徧湘浦盈盈月滿抱相思夜
寒腸斷含香有恨招魂無路瑤琴寫怨幽韻淒涼暮江
空渺數峰清遠粲迎風一笑持花酌酒結南枝伴

前調

施岳

翠鼇湧出滄溟影橫棧壁迷煙墅樓臺對起欄干重凭
山川自古梁苑平蕪汴堤疎柳幾番晴雨看天低四遠
江空萬里登臨處分吳楚兩岸花飛絮舞度春風滿
城簫鼓英雄暗老曉潮昏汐歸帆過槽淮水東流塞雲
北度夕陽西去正淒涼望極中原路杳月來南浦

前調

金鳳
花

陳沂孫

階前砌下新涼嫩姿弱質婆婆娑小仙家甚處鳳雛飛下
化成窈窕尖葉參差柔枝裊娜體將玉造自川葵放後

堂萱謝了是園苑無花草
自恨西風太早逞芳容紫
團緋繞管裏低昂篔頭約掠空成懊惱圓胎結就小鈴
垂下直開臨曉向凡間謫墮不知西帝曾關宸抱

前調

葛長庚

雲屏漫鎖空山寒猿啼斷松枝翠芝英安在木苗已老
徒勞屐齒應記洞中鳳簫錦瑟鎮常歌吹悵蒼苔路杳
石門信斷無人問溪頭事
回首暝煙無際但紛紜落
花如淚多情易老青鸞何處書成難寄欲問雙蛾翠蟬

金鳳向誰嬌
媚想分香舊
恨劉郎去後
一溪流水

前調

從商師國器
獵同裕之賦

王渥

短衣匹馬清秋慣
曾射虎南山下
西風白水石鯨鱗
甲山川圖畫千古
神州一時勝事
賓僚儒雅快長堤
萬弩平岡千騎
波濤卷魚龍
夜落日孤城
鼓角笑歸來
長圍初罷風雲慘
澹貔貅得意
旌旗閒暇
萬里天河更須
一洗中原兵馬
看韃橐鳴咽
咸陽道左拜西還
駕

前調

奇舍弟
菊軒

段克己

天高秋氣初清，姑汾山水增明。秀黃花紅葉，翰香泛豔。
恰過重九，細捻金蕤，旋題新句。滿斟芳酒，况人生自有
安排去處。須富貴何時有。休說山中宰相，也不效斜
川五柳。鉏犂自把山田，耕罷雙牛隨後。經史傳家兒孫
滿眼，漸能承受。待與君坐閱莊椿，歲月作皤然叟。

前調

賦秋日
紅梨花

王暉

纖苞淡貯幽香，玲瓏輕鎖秋陽。麗仙根借暖，定應不待
荆王翠被。瀟灑輕盈玉容，渾是金莖露氣。甚西風宛轉

東欄暮雨空點綴真妃淚
誰遣司花妙手又一番角
竒爭異使君高臥竹亭間
寂故來相慰燕几螺屏一
枝披拂繡簾風細約洗妝
快瀉玉鉶芳酒枕秋蟾醉

前調

維揚道
中值雨

白樸

短亭休唱陽關柳絲惹盡行人怨
鴛鴦隻影枯荷蒂淡
沙寒水淺紅綬雙銜玉簪中斷
苦難留戀更黃花細雨
征鞍催上青衫淚一時濺
回首孤城不見黯秋空去
鴻一線情緣未了誰教重賦春風
人面鬪草間庭采香

幽徑舊曾行
徧謾今宵酒醒無言有恨恨天涯遠

前調

周景

人生能幾相逢
百年四海為兄弟
舊時青眼今番白髮
年華墮涕春更無情
拋人先去揚花無蒂
況江程漸短
別期漸緊
須重把蘭舟繫
幸自清江如砥
指黃壚流鶯聲細
滄波如許平蕪
何處明朝迢遞
何預興亡不如
休去牆陰挑薺
且相期共看蓬萊清淺
更三千歲

前調

春夢

曾允元

日高深院無人榴花撲帳春雲暖回文未就停鍼不語
繡牀倚徧翠被籠香綠髮墮膩傷春成倦儘雲山煙水
柔情一縷又暗逐金鞍遠鸞珮相逢甚處似當年劉
郎仙苑凭肩後約畫眉新巧從來未慣枕落釵聲簾開
燕語風流雲散甚依稀難記人間天上緣重見

前調

贈友

薩都拉

王郎錦帶吳鉤醉騎赤鯉銀河去絳袍弄月銀壺吸酒
錦箋揮兔禿鬢西風短篷落月東吳西楚帳丹陽郭裏

相逢較晚共翦燭西牕雨
文采風流俊偉碧紗巾挂
珊瑚樹出門萬里掀髯一笑青山無數揚子江頭凍沙
寒雨暮天飛鷺待明朝酒醒金焦擊楫過瓜洲渡

前調

傅洞道宅
賞紫牡丹

張翥

紫雲何處飛來仙家別有藏春洞刻繒紋絢鏤檀色膩
熏臍香重穀雨初晴榆煙新煥棟花微動是花姑養就
韓仙染出還分與人間種好與密遮繡幄護玉環三
生妖夢只愁今夜綠叢月老朱房露凍便喚秋娘重澆

卯酒緩歌低送倩紅鸞與約韶華少住作尊前供

前調

次韻王本中
賦樓子芍藥

張翥

寶樓十二玲瓏仙家只在雲間住金槃舞罷羅裙襞皺
東風欲去畫檻移香彩鸞銜信幾番延佇看釵邊疊萼
天然富貴妝臺近有人妒勾引廣陵遺恨倩流鶯為
花低訴年年長是芳菲時候滿城煙絮春色三分落紅
千片總成塵土向月明空羨雙雙睡蝶宿花房露

前調

廣陵送客
賦梨花

張翥

芙蓉老去妝殘露花滴盡珠盤淚水天瀟灑秋容冷淡
憑誰點綴瘦葦黃邊疎蘋白外滿汀煙棹把餘妍分與
西風染就猶堪愛紅芳媚幾度臨流送遠向花前偏
驚客意船牕雨後數枝低入香零粉碎不見當年秦淮
花月竹西歌吹但此時此處叢叢滿眼伴離人醉

前調

蠟梅

張翥

玉人梳貌堪憐曉妝一洗鉛華盡此花應是菊分顏色
梅分風韻萼點酡酥口攢金磬心凝檀粉甚女貞染就

仙衣絕勝蜂兒重鵝兒嫩
說與玉龍莫品怕宮波一
般流恨故人堪寄折枝代取
江南春信沉水全熏麝絲
密綴額黃深暈乍燕姬未識
是花是蠟笑俚人間

前調

聽房自然
歌為賦

張翥

春風瓊樹香中數聲恰似流鶯
嚶歌塵飛下落花起舞
驪珠脫串豆蔻珠簾牡丹雪嶺
小桃人面是自然絕藝
天然畫譜霓裳序六么編
獨占二分月色向尊前幾
番曾見賞音如此不辭醉墨為
題紈扇浪雨間雲剩香

殘黛莫論恩怨看穠花又老情緣未斷寄樓中燕

前調 咏遊絲

張 埜

落花天氣初晴隨風幾縷來何處飄飄冉冉悠悠漾漾
欲留還去雪繭新抽青蟲暗墜檐珠輕度看垂虹百尺
縈迴不下似欲繫春光住 憑仗何人收取付天孫雲
綃機杼浮蹤浪跡忍教長伴章臺飛絮惹起閒愁織成
離恨萬頭千緒望天涯盡日柔情不斷又閒庭暮

前調 題湖山勝槩亭

張 埜

翠微曾共登臨冷光激灩波千頃玉京佳處景雖天造
地因人勝若把西施淡妝濃抹兩相比並得此間如對
姮娥仙子慵梳掠臨鸞鏡 滿意曲欄芳徑早安排兩
蓬煙艇茶甌雪卷紋楸電響醉魂初醒湖海高情林泉
清意幾人能領算知音只有中宵涼月浸蓬萊影

前調

遊錢塘
西山

張 埜

一鞭空醉煙霏笑談已到山深處丹崖翠壁野猿幽鳥
冷泉高樹兜率天中蓬壺境內偶成佳寓正捫參歷井

窮探未了回首早疎鐘暮
畫舸亭亭橫渡醉歸來被
誰留住雲牕霧閣羣仙應笑塵緣相誤白雪歌殘青鸞
夢覺滿身風露料明年却向古臺高處憶桃源路

前調

和馬西
麓韻

張 埜

故人邂逅相逢滿懷和氣渾無際別來一載光陰回首
水流星墜白雪歌詞青雲人物知音有幾把滄溟倒卷
天瓢滿吸須拚了為君醉
醉眼瞢騰不寐直望斷長
空萬里風清露冷乾坤似晝月華如洗夢裏遨遊蕊珠

宮殿飄然得意到醉來有句且休拈出怕驚人世

前調

登滕王閣

張 埜

畫檐聳翠凌霄暮雲還送西山雨千年陳跡一時勝槩
東南賓主珮玉鳴鑿西風吹入江聲柔櫓謾登臨贏得
征鞍倦客離思亂鄉心苦 一夢繁華何許空留得悲
涼今古雄文健筆星輝日映鬼呵神護倚徧闌干有心
也待題留新句見一雙白鷺蒼煙影裏背人飛去

前調

暇日過田學士村居

張 埜

翠凝冷浸清溪洞天惟許仙家住主人新葺柳亭梅塢
竹軒松戶綠野風煙東山泉石少人知處怕椿翁早晚
急流勇退田園記已成趣不戀鑿坡玉署要管領東
臯朝暮君應解得風波何限功名良苦琥珀醅濃玻璃
盞大醉扶歸路料沙頭鷗鷺也應笑我却匆匆去

前調

飲劉氏春野
亭用前韻

張 埜

夢回花露沾衣夜深醕酹誰留住依稀猶記春風亭檻
野雲牕戶物外仙姿一聲白雪翠凝深處要風流陶寫

等閒莫遣兒童輩識真趣
四海知音難遇儘踈狂
暝煙催暮一杯未舉兩眉長
皺人生何苦只恐明朝玉驄
迷卻武陵溪路倘劉郎不厭醒時來訪醉時歸去

前調

重九登南高峰寄柳湯佐

張 埜

重陽何處登臨玉驄慣試
南山路秋空絕頂西風兩鬢
白雲雙屨浙浦寒潮蘇堤
畫舸吳宮煙樹不一尊瓊液
數聲金縷將此景成虛負
試覓舊題詩句早爛斑雨
苔無數瓊泉寶瑟不堪重記
泛觴流羽笑撚黃花間尋

紅葉故人何處倚危闌北望燕雲掩靄又征鴻暮

前調

咏杏
花

張 埜

雪香飛盡江梅上林桃李寒猶緊牆頭驚見枯枝鬧簇
生紅初噴嫩柳亭臺新晴巷陌清明相近甚等閒勾引
狂蜂戲蝶早不管人春困 不怕蠟痕輕褪怕東風亂
飄殘粉鎖牕猶記雙鵝細翦一簪幽恨駿馬如飛流光
似箭歸期難準料黃昏凝雨盈盈如淚把臙脂搵

前調

酌辛稼
軒墓

張 埜

嶺頭一片青山可能埋沒凌雲氣遐方異域當年滴盡
英雄清淚星斗撐腸雲煙盈紙縱橫遊戲漫人間留得
陽春白雪千載下無人繼不見戟門華第見蕭蕭竹
枯松悴問誰料理帶湖煙景瓢泉風味萬里中原不堪
回首人生如寄且臨風高唱逍遙舊曲為先生醉

前調

夜闌銅
瓶湯響

劉基

玉釭開盡丹葩畫檐深宿蟾蜍影門掩清宵聲來何處
堂空人靜如竹梳風如荷遇雨如泉發井向羅幃細細

如歌如語還如暗蟲相命
繡被熏沉正暖夢雲車紫
鵷雙並洞庭曠野九韶齊奏
殷天笙磬別有蛾眉鼓琴
彈瑟江鳴山應待脩然睡覺
燈存餘燧雞啼牕炯

前調

吹簫曲用
東坡韻

劉基

秦臺人去無蹤空餘綠樹連天
表瑤京路遠緱山夜永
離愁縈繞露咽秋蟬霜淒白鶴
月寒烟裊想孤鸞舞罷
碧桃花盡長是怨多歡少
夢裏駟車過處見蒼梧九
蜂青小修篁染淚滄江流恨
年年不了廣莫風悲昭華

玉冷聲沉雲杪又扶桑日上靡萍光散蓮池春曉

前調

和東坡韻

劉基

雞鳴風雨蕭蕭側身天地無劉表啼鶻迸淚落花飄恨
斷魂飛繞月暗雲霄星沉煙水角聲清裊問登樓玉粲
鏡中白髮今宵又添多少極目鄉關何處渺青山髻
螺都小幾回好夢隨風歸去被渠遮了寶瑟絃僵玉笙
簧冷冥鴻天杪但侵堦莎草滿庭綠樹不知昏曉

前調

楊花

趙南星

春閨恁恁愁人已看盡落紅翻墜楊花更慘映日連空
撩人情思飛過高城尋來小院從教門閉偶蘋風乍定
商量暫住低飛燕還扶起何物疑花亂玉幾曾堪髻
簪衣綴蘭閨人倦多愁牽夢難成易碎小玉聲喧晴天
雪下香堦無水憶遼西何處神魂蕩漾暗拋紅淚

前調

明媛

沈宜修

石城潮打千秋消磨不盡還相逗閒雲無定野水長縈
續紛繞岫古古今今朝朝暮暮如何參透歎依然風景

茫茫交集但憑得秋容瘦
看取嬋娟秋色西風搖落
應憐否碧天空闊寒煙無數
怨砧淒漏把杯邀月恨濃
愁極拚他中酒問廣寒丹桂
飄殘何處斷香盈袖

前調

明媛

葉小鸞

晝長人靜沉沉綠楊正嫋
深深院畫簾低映薄羅無暑
汗消珠釧蘭畹香清湘筠
影瘦翠陰遮徧聽蓮歌處處
悠揚逸韻半入水風煙片
一霎雨餘明淨晚雲如黛
花如鈿舟移萍亂芳香袖惹
媚風輕扇一色紅妝千重

翠蓋參差江面更堪憐歸路平波杳杳夕陽斜見

前調

又一體
牡丹

曹組

曉天殺雨晴時翠羅護日輕煙裏醪醑徑暝柳花風淡

千葩濃麗三月春光上林池館西都花市看輕盈隱約

何須解語凝情處無窮意金殿筠籠歲貢最姚黃一

枝嬌貴東風既與花王芍藥須為近侍歌舞筵中滿裝

歸帽斜簪雲髻有高情未已齊燒絳蠟向闌邊醉

前調

又一體
咏雲

趙長卿

先來天與精神更因麗景添殊態拖輕冉冉纔凝一段
還分五綵畢竟非煙有時為雨惹晴無奈道無心怎被
歌聲遏斷遲遲向青天外宜伴先生醉臥得饒到和
山須買也曾惱煞襄王誰道依前不會我欲乘歸去翻
恨悵帝鄉何在念佳期未展天長暮合儘空相對

前調

又一體

程垓

夜來風雨匆匆故園定是花無幾愁多愁極等閒辜負
一年芳意柳困桃慵杏青梅小對人容易算好春長在

好花長見元只是人顛顛
回首池南舊事恨星星不
堪重記如今但有霜花老眼傷情清淚不怕逢花瘦只
愁怕老來風味待繁紅亂處留雲借月也須拚醉

前調

壽嗣
榮王

吳文英

望中璇海波新信槎又匝銀河轉金風細裊龍枝聲奏
鈞簫秋遠南極飛仙夜來催駕祥光重現紫霄承露掌
瑤池蔭密蟠桃秀螽蓮綻新棟晴雲凌漢早涼生蘭
繁書卷繡裳五色昆臺十二香深簾捲花萼樓高處連

清曉千秋傳宴賜長生玉宇鸞迴鳳舞下蓬萊殿

前調

又一體

吳文英

夜分溪館漁燈巷聲乍寂西風定河橋送遠玉簫吹斷
霜絲舞影薄絮秋雲澹蛾山色宦情歸興怕煙江渡後
桃花又泛宮溝上春流緊新句欲題還省透香煤重

箋悞隱西園已負林亭移酒松泉薦茗攜手同歸處玉
奴喚綠牕春近想驕驄又踏西湖二十四番花信

前調

又一體

趙彥端

淡煙輕霧濛濛望中乍歇凝晴晝纔驚一霎催花還又
隨風過了清帶梨梢暈含桃臉添春多少向海棠點點
香紅染徧分明是胭脂透無奈芳心滴碎阻遊人踏
青攜手檐頭線斷空中絲亂纔晴却又簾幙中間垂處
輕風送一番寒峭正留君不住瀟瀟更下黃昏後

前調

又一體
咏瓢泉

辛棄疾

聽兮清珮瓊瑤些明兮鏡秋毫些君無此去流昏漲膩
生蓬蒿些虎豹甘人渴而飲汝寧猿猱些大而流江海

覆舟如芥君無助狂濤些
路險兮山高些予塊獨處
無聊些冬槽春盎歸來為我製松醪些其外芬芳團龍
片鳳煮雲膏些古人兮既往嗟予之樂樂簞瓢些



御選歷代詩餘卷七十五

總校官庶吉士臣張能照

校對官庶吉士臣陳墉

謄錄監生臣孔廣枚

謄錄監生臣江軾

欽定四庫全書薈要

集部

御選歷代詩餘卷七十六

七

詳校官編修臣汪鏞



欽定四庫全書薈要

御選歷代詩餘卷七十六目錄一百二字

水龍吟又一體

蘇軾

向子諲

楊无谷

劉過

李昴英



陳允平

張炎 二首

翁元龍

黃孝邁

何夢桂

趙汝鈞

李居仁

楊樵雲 二首

錢繼章

葉小鸞

二首

前調

又一體

孔方平

晁端禮

蔡伸

趙長卿

楊无咎

趙彥端

姜夔

陸游

二首

劉鎮

二首

莫崙

胡仔

前調

入一體

周紫芝

張紱

前調

又一體

趙彥端

晁端禮

石州慢

又一體

賀鑄

張元幹

謝懋

高啓

前調又一體

張炎

前調又一體

蔡松年

元好問

張翥

張埜

宴清都 又一體

周邦彥

何籀

趙善扛

盧祖皋

趙必璩

吳文英 三首

周密

春從天上來

周伯陽

安公子 又一體

陸游

金盞子 又一體

史達祖

綺寮怨

陳允平

鬪百草 又一體

晁補之

戀春芳慢

晁端禮

御選歷代詩餘卷七十六目錄

欽定四庫全書薈要卷二萬七百五十四

集部

御選歷代詩餘卷七十六

一百一十二字

水龍吟

又一體雙調

一百二字

水龍吟

楊花

蘇軾

似花還似非花也無人惜從教墜拋街傍路思量却是
無情有思縈損柔腸困酣嬌眼欲開還閉夢隨風萬里
尋郎去處又還被鶯呼起不恨此花飛盡恨西園落

紅難綴曉來雨過遺蹤
何在一池萍碎春色三分二分
塵土一分流水細看來不是楊花
點點是離人淚

前調

向子諲

夢回寒入衾裯曉驚忽墮
瑤林裏穿帷透隙落花飛絮
難窮巧思著帽披裘挈壺呼友
倚空臨水望瓊田不盡
銀濤無際浮暗色來天地
遙想吳郎病起正冷牕微
吟擁鼻持牋贈我新詞絕唱
珠零玉碎餘興追遊清芬
坐對高談傾耳晚歸來風掃
停雲萬里月華如洗

前調

雪

楊无咎

小軒瀟灑清宵午風正緊門深閉藜牀危坐竹牕頻聽
春蟲撲紙燈燼垂紅篆煙消碧衣輕如水料飛花未止
堆檐已滿時摧折琅玕尾骨冷魂清無寐這身在廣
寒宮裏暗懷千古渾疑一夜冰生腸胃歲事崢嶸故園
睽阻歸期猶未向寒鄉不念豐年只憶青天萬里

前調

劉過

謫仙狂客何如看來畢竟歸田好玉堂無此三山海上

虛無縹緲讀罷離騷案香猶在覺人間小任菜花葵麥
劉郎去後桃開處皆多少一夜雪迷蘭棹傍寒溪欲
尋安道而今縱有劉郎冰柱有知音否想見鸞飛如椽
健筆檄書親草筭平生白傅風流未肯向香山老

前調

和吳憲韻且
豎鬱孤之約

李昉英

驛飛穩駕高秋迎人滿目清新景秋還有色芙蓉照水
晨妝對鏡雪捲寒蘆字橫過鴈渡浮孤艇是騷人行處
腔風調月香滿袖過梅嶺斷岸煙收人靜雨聲乾桐

疎楓冷掀髯獨笑仙翁起舞臥龍呼醒近小陽春為梅
也合遲遲鞭影更鬱孤一笑追歡料得坡翁首肯

前調

梨花

陳允平

曉鶯啼醒春愁粉香獨步千紅地庭間散縞林空翦雪
鷗鷺驚鶴避妒月魂淒行雲夢冷溫柔鄉閉漸黃昏院落
清明時候東風裏無情淚 織翠玲瓏葉底倚闌人玉
龍休吹殘妝未洗芳心微露昭陽睡起恨結連環舞停
雙珮水晶如意倩蜂媒聘取瓊花細與向尊前比

前調

春晚留
別故人

張炎

亂紅飛已無多豔遊終是如今少一番雨過一番春減
催人漸老倚檻調鶯捲簾收燕故園空杳奈關愁不住
悠悠萬里渾恰似天涯草不擬相逢古道纔疑夢又
還驚覺清風在柳江搖白浪舟行趁曉遮莫重來不如
休去怎堪懷抱那知又五柳門荒曾聽得鶉啼了

前調

寄袁
竹初

張炎

幾番問竹平安鴈書不盡相思字籬根半樹村深孤艇

闌干屢倚遠草兼雲凍河膠雪此時行李望去程無數
并州回首還又渡桑乾水笑我曾遊萬里甚匆匆便
成歸計江空歲晚棲遲猶在吳頭楚尾疎柳經寒斷槎
浮月依然顛顚待相逢說與相思想亦在相思裏

前調

翁元龍

畫樓紅濕斜陽素妝褪出山眉翠街聲暮起塵侵鐙戶
月來舞地官柳招鶯水蒸飄鴈隔年春意黯梨花散作
人間好夢瓊簫在錦屏底樂事輕隨流水暗蘭消作

花心計情絲萬軸因春織就愁羅恨綺昵枕迷香占簾
看夜舊遊經醉任孤山剩雪殘梅漸嬾跨東風騎

前調

黃孝邁

閒情小院沉吟草深柳密簾空翠風檐夜響殘燈慵剔
寒輕怯睡店舍無煙闌山有月梨花滿地二十年好夢
不曾圓合而今老都休矣誰共題詩秉燭兩厭厭天
涯別袂柔腸一寸七分是恨三分是淚芳信不來玉簫
塵染粉衣香退待問春怎把千紅換得一池綠水

前調

和何逢
原見壽

何夢桂

倚牕閒嗅梅花霜風入袖寒初透吾年如此年年十月
見梅如舊白髮青衫蒼顏鶴骨花前尊酒問梅花與我
是誰瘦絕正風雨年時候 不怕參橫月落怕人生芳
盟難又高樓何處寒英吹落玉龍休奏前日花魁後來
羨鼎總歸巖岫但逋仙流落詩香留與孤山同壽

前調

白蓮

趙汝鈞

露華洗盡凡妝玉妃來侍瑤池宴風裳水珮冰肌雪豔

清涼不汗解語情多凌波步穩酒容消散想溫泉浴罷
天然真態渾疑是宮妝淺 暗想淒愁別岸粉痕消香
腮凝腕雲空水冷此情惟許鷺知鷗見羽扇微搖翠帷
低擁清涼庭院待夜深月上闌干更邀取姮娥伴

前調

白蓮

李居仁

蕊仙羣擁宸遊素肌恰似波心冷霜裳縞夜冰壺凝露
紅塵洗盡弄玉輕盈飛瓊綽約淡妝臨鏡更多情一片
碧雲不捲籠嬌面回清影 菱唱數聲乍聽載名娃藕

絲縈艇雪鷗沙鷺夜來同夢曉風吹醒酒暈全消粉痕
微漬色明香瑩問此花曷貯瑤池應未許繁紅並

前調

楊樵雲

多情不在分明繡牕日日花陰午依依雲絮溶溶香雪
覷他尋路一滴東風怎生消得翠苞紅栩被疎鐘敲斷
流鶯喚起但長記弓彎舞空是相思入骨到如今月
痕同醉教人枉了若還真箇匆匆如此全未惺鬆纈紋
生眼胡牀猶據筭從前總是無憑待說與如何寄

前調

楊樵雲

一枝斜墮牆腰向人顫
 裊如相媚是誰翦
 取斷雲零玉
 輕盈妝綴不是幽人
 如何能到水邊沙際
 又匆匆過了
 春風半面儘長把重門閉
 只管相思成夢道無情又
 關鄉意蒼苔半畝如今已
 是鹿胎田地甚欲追陪却嫌
 花下翠環解語待何時
 月轉幽房醉了不教歸去

前調

咏楊花和東坡韻

錢繼章

細風銛似吳刀翦
 成了冰花吹墜
 但看花落不覩花開

怎生情思十五佳人凝妝未了紙牕深閉聽侍兒傳語
漫天飛絮今年又春愁起乍向碧空飄下問長條可
容重綴芳心無奈紫騮聲疾黃鶯聲碎誰伴浮蹤朱櫻
古陌碧桃新水料南來幾樹柔枝博盡了行人淚

前調

明媛
葉小鸞

芭蕉細雨瀟瀟雨聲斷續砧聲逗凭闌極目平林如畫
雲低晚岫初起金風乍零玉露薄寒輕透想江頭木葉
紛紛落盡只餘得青山瘦且問沈寥秋氣當年宋玉

應知否半簾香霧一庭煙月幾聲殘漏四壁蛩吟數行
征鴈漫消杯酒待東籬綻滿黃花摘取暗香盈袖

前調

葉小鸞

井梧幾樹涼飄滿庭景色仍如舊啼鴉數點斜陽一縷
挂殘疎柳有恨林花無情衰草風吹重又看輕陰帶雨
天涯萬里樓高漫頻搔首 記泊石城煙渚落紅孤鷺
常如繡輕舟畫舫布帆蘭棹碧雲天皺水靜初澄蓼紅
將醉早秋時候對庭前蕭索西風惟有寒蟬高奏

前調 又一體

孔方平

去年今日關山路
疎雨斷魂天氣據鞍驚見梅花的樂
籬邊水際一枝折得雪妍冰麗
風梳雨洗正水村山館
倚闌愁立有多少春情意
好是孤芳莫比自不分歌

梁舞地暗香疎影高禪文友清談相對琴韻初調茗甌
催淪爐熏欲試向此時一段風流付與晉人標致

前調 桃花

晁端禮

嶺梅香雪飄零盡
紅杏枝頭猶未小
桃一種妖嬈偏占

春工用意微噴丹砂半含朝霧粉牆低倚正春寒露井
高樓簾外爭凝睇東風裏好是佳人半醉近橫波一
枝嬌媚玄都觀裏武陵溪上空隨流水惆悵妖紅雨風
不定五更天氣念當年門裏如今陌上灑離人淚

前調

蔡伸

畫橋流水桃溪路別是壺中佳致南樓夜月東牕踈雨
金蓮共醉人靜回廊並肩攜手玉芝香裏念紫簫聲斷
巫陽夢覺人何在花空委寂寞危欄獨倚望仙鄉水

雲無際芸房花院重來空鎖蒼苔滿地物是人非小池
依舊彩鴛雙戲念當時風月如今懷抱有盈襟淚

前調

趙長卿

危樓橫枕清江上兩岸碧山如畫夕煙冪冪晚燈點點
樓臺新夜明月當天白沙流水冷光連野浸闌千萬頃
琉璃軟皺打魚艇相高下何處一聲羌笛是誰家倚
樓人也多情對景無言有恨欲歌還罷把酒臨筵阿誰
知我此懷難寫忍思量後夜芳容不似暗塵隨馬

前調

趙祖文畫
西湖圖

楊无咎

西湖天下應如是誰喚作真西子雲凝山秀日增波媚
宜晴宜雨况是深秋更當遙夜月華如水記詞人解道
丹青妙手應難寫真奇語 往事輸他范蠡泛扁舟仍
攜佳麗毫端幻出淡妝濃抹可人風味和靖幽居老坡
遺跡也應堪記更憑君畫我追隨二老遊千家寺

前調

江樓席上贈
歌妓盼盼

趙彥端

酒潮勻頰雙眸溜看映遠山橫秀風流俊雅嬌癡體態

眼前稀有蓮步彎彎移歸拍裏凌波難偶對仙源醉眼
玉纖籠巧撥新聲魚紋皺我自多愁多病對人前只
推傷酒瞞他不得詩情懶倦沈腰消瘦多謝東君慙
慙知我曲翻紅豆拚來朝又是扶頭不起江樓知否

前調

夜泛鑑
湖懷歸

姜夔

夜深客子移舟處兩兩沙禽驚起紅衣入槳青燈搖浪
微涼意思把酒臨風不思歸去有如此水況茂陵遊倦
長干望久芳心事簫聲裏屈指歸期尚未鵲南飛有

人應喜畫闌桂子留香小待提攜影底我已情多十年
幽夢略曾如此甚謝郎也恨飄零解道月明千里

前調

榮南作

陸游

尊前花底尋春處堪歎心情全減一身萍寄酒徒雲散
佳人天遠那更今年瘴煙蠻雨夜郎江畔漫倚樓橫笛
臨牕看鏡時揮涕驚流轉 花落月明庭院悄無言魂
消腸斷凭肩攜手當時曾效畫梁棲燕見說新來網縈
塵暗舞衫歌扇料也應顛顛慵行芳徑怕啼鶯見

前調

春日遊
摩訶池

陸游

摩訶池上追遊客紅綠參差春晚韶光妍媚海棠如醉
桃花欲暖挑菜初閒禁煙將近一城絲管看金鞍爭道
香車飛蓋爭先占新亭館惆悵年華暗換黯銷魂雨
收雲散鏡匳掩月釵梁折鳳秦箏斜雁身在天涯亂山
孤壘危樓飛觀歎春來只有楊花和恨向東風滿

前調

庚寅
寄遠

劉鎮

老來慣與春相識長記傷春如故去年今日舊愁新恨

送將風絮粉淚羞紅黛
看顰翠推愁不去任鎖牕深閉
屏山半掩還別有愁來路
回首畫橋煙水念故人
匆匆何處客情懷遠雲迷北樹
草連南浦離合悲歡去留
遲速問春無語笑劉郎不道無桃可種
苦留春住

前調

清明和章質夫韻

劉鎮

弄晴臺館收煙候
時有燕泥香墜宿醒未解單衣初試
騰騰春思前度桃花去年人面重門深閉
記彩鸞別後青驄歸去長亭路芳塵起
十二屏山徧倚任蒼苔點

紅如綴黃昏人靜暖香吹月一簾花碎芳意婆娑綠陰
風雨畫橋煙水笑多情司馬留春無計濕青衫淚

前調

莫 崙

鏡寒香歇江城路今度見春全嬾斷雲過雨花前歌扇
梅邊酒殘離思相欺萬絲縈繞一襟消黯但年光暗換
人生易感西歸水南飛鴈也擬與愁排遣奈江山遮
攔不斷嬌訛夢語濕熒啼袖迷心醉眼繡轂華裯錦屏
羅薦何時拘管但良宵空有亭亭霜月作相思伴

前調

以李長吉美人梳頭歌填

胡仔

夢寒鮪帳春風曉檀枕半填香髻輓轡初轉闌干鳴玉
伊啞驚起眠鴨凝煙舞鸞翻鏡影開秋水解低頭試整
牙牀對立香絲亂雲拖地 纖手犀梳落處膩無聲重
盤鴉翠蘭膏勻清冷光欲溜鸞釵易墜年少偏嬌鬟多
無力惱人風味甚含情不語下塔漫自折花枝戲

前調

又一體杏花

周紫芝

小桃零落春將半雙燕却來池館名園相倚初開繁杏

一枝遙見竹外斜穿柳間深映粉愁香怨任紅敲宋玉
牆頭十里曾牽惹人腸斷常記山城斜路噴清香日
遲風暖春陰趁後馬前惆悵滿枝妝淺深院簾垂雨愁
人處碎紅千片料明年更發多應更好約鄰翁看

前調

張 縉

瑣牕睡起門重閉無奈楊花輕薄水沉煙冷琵琶塵掩
嬾侵絃索檀板歌鶯霓裳舞燕當年娛樂望天涯萬疊
關山煙草連天遠凭高閣間把菱花自照笑春山為

誰塗抹幾時待得信傳青鳥橋通烏鵲別後餘情愁邊
刺思引杯孤酌正黯然對景銷魂牆外一聲譙角

前調

又一體
梅花

趙彥端

冰姿玉骨塵埃外看自有神仙格花中越樣風流曾是
名標清客月夜香魂雪天孤豔可堪憐惜向枝間且作
東風第一和羹事期他日聞道春歸未識問伊家那
知消息當時惱煞林逋空繞團欒千百橫管輕吹處餘
香散阿誰偏得壽陽宮應有佳人待與點新妝額

前調

梅

晁端禮

夜來深雪前村路應是早梅先綻故人贈我江頭春信
南枝向暖疎影橫斜暗香浮動月明清淺向庭邊驛畔
行人立馬頻回首空腸斷別有玉溪仙館壽陽人初
勻妝面天教占了百花頭上和羹未晚最是關情處高
樓上一聲羌管仗誰人向道爭如留取倚朱闌看

石州慢

又一體雙調一百二字一

名柳色黃一名石州引

石州慢

賀鑄

薄雨初寒斜照弄晴春意空闊長亭柳色纔黃遠客一枝先折煙橫水際映帶幾點歸鴻東風消盡龍沙雪還記出關來恰而今時節將發畫樓芳酒紅淚清歌頓成輕別已是經年杳杳音塵都絕欲知方寸共有幾許清愁芭蕉不展丁香結望斷一天涯兩厭厭風月

前調

張元幹

寒水依痕春意漸回沙際煙闊溪梅晴照生香冷蕊數

枝爭發天涯舊恨試看幾許銷魂長亭門外山重疊不
盡眼中青是愁來時節情切畫樓深閉想見東風暗
消肌雪辜負枕前雲雨尊前花月心期切處更有多少
淒涼殷勤留與歸時說到得再相逢恰經年離別

前調

謝懋

日脚斜明秋色半陰人意淒楚飛雲特地凝愁做弄晚
來微雨誰家別院舞困幾葉霜紅西風送客聞砧杵鞭
馬出都門正潮平洲渚無語匆匆短棹滿載離愁片

帆高舉京洛紅塵縈念幾年羈旅淺顰輕笑當時風月
逢迎別來誰畫雙眉嫵回首一銷凝望歸鴻容與

前調

高 啓

落了辛夸風雨頓推庭院瀟灑春來長恁樂章嬾按酒
籌慵把辭鶯謝燕十年夢斷青樓情隨柳絮猶縈惹難
覓舊知音把琴心重寫 天冶憶曾攜手鬪草闌邊買
花簾下試看轆轤低轉秋千高打如今何處縱有團扇
輕衫與誰更走章臺馬回首暮山青又離愁來也

前調

又一體 書所見 奇子野公明

張炎

野色驚秋隨意散，愁踏碎黃葉。誰家籬下閒心，似語試
妝嬌怯。行行步影，未教背寫腰肢一搦。猶立門前雪，依
約鏡中春。又無端、輕別癡絕。漢皋何處，解珮何人底。
須情切。空引東鄰遺恨，丁香空結。十年舊夢尚餘恍惚。
雲惚可憐，不是舊時蝶。深夜醉醒來，好一庭風月。

前調

又一體 高麗使還日作

蔡松年

雲海蓬萊風霧鬢，鬟不假梳掠。仙衣捲盡雲霓，方見宮

腰纖弱心期得處世間言語非真海犀一點通寥廓無
物比情濃覓無情相博 離索曉來一枕餘香酒病賴
花醫却濫濫金尊收拾新愁重酌片帆雲影載將無際
關山夢魂應被楊花覺梅子雨絲絲滿江干樓閣

前調

赴名史館
與德新別

元好問

擊筑行歌按馬賦詩少年豪舉從渠里社浮沉枉笑人
間兒女平生王粲而今顛顛顛登樓江山信美非吾土天
地一飛鴻渺翩翩何許 羈旅山中父老相逢應念此

行良苦幾為虛名誤却東家雞黍漫漫長路蕭蕭兩鬢
黃塵騎驢漫與行人語詩句欲成時滿西山風雨

前調

春日
雨中

張翥

煙雨輕陰庭院峭寒情意難準社前燕子歸來恰換一
番花信春光全在杏花紅鬧枝頭雙鸞銜上金釵鬢待
到盡開時又臙脂成粉堪恨西園撲蝶人間芳徑踏
青鞵潤簾影惜惜竟日曹騰如因惜花中酒尋常過了
年年情多那得離愁盡翠被不成溫滿熏篝蘭燼

前調 憶別

張 埜

紅雨西園香雪東風還又春暮當時雙槳悠悠送客綠
波南浦陽關一闕至今隱隱餘音眼前渾是分攜處此
恨有誰知倚闌干無語凝竚天涯幾許離情化作暮
雲千縷過盡征鴻依舊歸期無據京塵染袂故人應念
飄零豈知反被功名悞無處著羈愁滿春城煙雨

宴清都

又一體雙調一百
二字亦名四代好

宴清都

周邦彥

地僻無鐘鼓殘燈滅夜長人倦難度寒吹斷梗風翻暗
雪灑牕填戶賓鴻漫說傳書筭過盡千儔萬侶始信得
庾信愁多江淹恨極須賦淒涼病損文園徽絃乍拂
音韻先苦淮山夜月金城暮草夢魂飛去秋霜半入清
鏡歎帶眼都移舊處更久長不見文君歸時認否

前調

何籀

細草沿階軟遲日薄惠風輕靄微暖春工靳惜桃紅尚

小柳芽猶短羅幃繡幙高捲早已是歌慵笑嬾凭畫樓
那更天遠山遠水遠人遠 堪怨傅粉踈狂竊香俊雅
無計拘管青絲絆馬紅巾寄羽甚處迷戀無言淚珠零
亂翠袖儘重重清徧故要得別後思量歸時覩見

前調

餞明遠
兄赴調

趙善扛

踈柳無情緒都不管渡頭行客欲去猶依賴得玉光萬
頃為人留住相從歲月如驚歎回首離歌又賦更舉目
斜照沉沉西風翦翦秋豎 君行定憶南池歌筵舞地

花晨月午八甌步日三雍奏樂送君雲路別情未抵遺
愛試聽取湖山共語便可能無意同傾一尊露醕

前調

初春

盧祖皋

春訊飛瓊管風日薄度牆啼鳥聲亂江城次第笙歌翠
合綺羅香暖溶溶澗綠冰泮醉夢裏年華暗換料黛眉
重鎖隋堤芳心還動梁苑新來鴈閣雲音鸞分鑑影
無計重見啼春細雨籠愁淡月恁時庭院離腸未語先
斷筭猶有憑高望眼更那堪芳草連天飛梅弄晚

前調

舟中思家用
周美成韻

趙必瓊

遠遠漁村鼓斜陽外賓鴻三兩飛度茅檐春小白雲隱
几青山當戶騷人底事飄蓬渾忘却耕徒釣侶何時尋
斗酒江鱸悠悠千古重賦風流種柳淵明折腰五斗
身為名苦秫田二頃菊松三徑不如歸去山靈休勒俗
駕容我臥草堂深處問故園怨鶴啼猿今無恙否

前調

連理
海棠

吳文英

繡幄鴛鴦柱紅情密膩雲低護秦樹芳根兼倚花梢鈿

合錦屏人妒東風睡足交枝正夢繞瑤釵燕股障濫蠟
滿照歡叢婆蟾冷落虛度 人間萬感幽單華清慣浴
春盎風露連鬟並暖同心共結向承恩處憑誰為歌長
恨暗殿鎖秋燈夜語願舊期不負春盟紅朝翠暮

前調

秋感

吳文英

萬里關河眼愁凝處渺渺殘照紅斂天低遠樹潮分斷
港路迴淮甸吟鞭又指孤店對玉露金風送晚恨自古
才子佳人此景此情多感 吳王故苑別來良朋雅集

空歎蓬轉揮毫刻燭飛觴趁月夢消香斷區區去情何
限倩片紙丁寧過鴈寄相思寒雨燈牕芙蓉舊院

前調

餞嗣榮王
仲亨還京

吳文英

翠羽飛梁苑連催發暮檣留話江燕塵階墮珥瑤扉乍
鑰綵繩雙冑新煙暗葉成陰效翠嫵西陵送遠又趁得
蕊露天香春留建章花晚歸來笑折仙桃瓊樓宴萼
金漏催箭蘭亭秀語烏絲潤墨漢宮傳翫紅鼓醉玉天
上倩鳳尾時題畫扇問幾時重駕巫雲蓬萊路淺

前調

雪川圖

周密

老去閒情嬾東風外霏霏花絮零亂輕鷗漲綠啼鶯暗
碧一春過半尋芳已是來遲怕迤邐年華暗換還應恨
白雪歌空秋霜鬢冷難管 凭闌自笑清狂事隨花謝
愁與春緩持杯顧曲登樓賦筆社郎才減前歡已隔前
溪但耿耿臨高望眼溯輕紅一棹歸時半蟾弄晚
春從天上來

雙調一

百二字

春從天上來

周伯陽

浩蕩青冥正涼露如洗萬里虛明鼓角悲健秋入重城
彷彿石上三生指蓬萊雲路渺何許月冷風清倚南樓
一聲長笛幾點殘星西風舊年有約聽候蛩語夜客
裏心驚紅樹山深翠苔門掩想見露草疎螢便乘風歸
去闌干外河漢西傾笑淹留劃然孤嘯雲白天青

安公子

又一體雙詞

一百二字

安公子

陸游

風雨初經社子規聲裏春光謝最是無情零落盡薔薇
一架況我今年顛顛幽牕下人盡怪詩酒消聲價向藥
爐經卷忘却鶯鶯柳榭萬事收心也粉痕猶在香羅
帕恨月愁花爭信道如今都罷空憶前身便面章臺馬
因自來禁得心腸怕縱遇歌逢酒但說京都舊話

金盞子

又一體雙調

一百二字

金盞子

史達祖

獎綠催紅仰一番膏雨始張春色未踏畫橋煙江南岸
應是草穠花密尚憶前裙蘋溪覺詩愁相覓光風外除
是倩鶯煩燕漫通消息 梨花夜來白相思夢空闌一
林月深深柳枝巷陌難重遇弓彎兩袖雲碧見說倦理
秦箏怯春葱無力空遺恨當時留客句蒼苔蠹壁

綺寮怨

雙調一

百二字

綺寮怨

陳允平

滿院荼蘼開盡杜鵑啼夢醒記曉月綠水橋邊東風又
折柳旗亭蒙茸輕煙草色疎簾淨亂織羅帶青對一尊
別酒征衫上點滴香淚盈幾度恨沉斷雲飛鷺何處
連環尚結雙瓊一曲琵琶湓江上慣曾聽依依翠屏香
冷聽夜雨動離情春深小樓無心對錦瑟空涕零

鬪百草

又一體雙調

一百二字

關百草

晁補之

往事臨卽舊遊雅態羞重憶解賦才高好音情慧琴裏
句中暗識正當年似閨苑瑤枝朝朝相倚便滌器何妨
當壚正好鎮同比翼誰使褰裳珮失推枕雲歸惆悵
至今遺恨積雙鯉書來大刀詩意縱章臺青青似昔重
尋事前度劉郎轉愁寂漫贏得對東風對花歎息

戀春芳慢

雙調一

百二字

戀春芳慢

晁端禮

蜂蕊分香燕泥破潤暫寒天氣清新帝里繁華昨夜細
雨初勻萬品花藏西苑望一帶柳接重津寒食近蹴鞠
秋千又是無限遊人紅妝趁戲綺羅夾道青帘賣酒
臺榭侵雲處處笙歌不負治世良辰共見西城路好翠
華定將出嚴宸誰知道人主祈祥為民非事行春

御選歷代詩餘卷七十六

欽定四庫全書薈要

御選歷代詩餘卷七十七目錄

一百二字

齊天樂

上

周邦彥

二首

楊无咎

劉圻父

姜夔

張輯

高觀國 三首

史達祖 五首

方岳

翁孟寅

洪璚

方千里

吳文英 九首

陳允平 二首

文天祥 二首

周密 六首

王沂孫 二首

張炎 十三首

劉瀾

王月山

趙必瑒

儲泳

李萊老

王易簡

唐藝孫

呂同老

練恕可

唐珣

御選歷代詩餘卷七十七目錄

欽定四庫全書薈要卷二萬七百五十五

集部

御選歷代詩餘卷七十七

一百
二字

齊天樂

上

一名臺城路一名如此江山一名五福降中天雙調一百二字首句或叶或否無定體也

齊天樂

周邦彥

綠蕪彫盡臺城路殊鄉又逢秋晚暮雨生寒鳴蛩勸織
深閣時聞裁翦雲牕靜掩歎重拂羅裯頓疎花簞尚有
練囊露螢清夜照書卷荆江留滯最久故人相望處

離思何限渭水西風長安亂葉空憶詩情宛轉凭高眺
遠正玉液新筍蟹螯初薦醉倒山翁但愁斜照斂

前調

端午

周邦彥

疎疎幾點黃梅雨佳節又逢重午角黍包金香蒲泛玉
風物依然荆楚形裁艾虎更釵裊朱符臂纏紅縷撲粉
香綿喚風綾扇小牕午沈湘人去已遠勸君休對景
感時懷古慢轉鶯喉輕敲象板勝讀離騷章句荷香暗
度漸引入醕醕醉鄉深處臥聽江頭畫船喧疊鼓

前調

和周美成韻

楊无咎

後堂芳樹陰陰見疎蟬又還催晚燕守朱門螢黏翠幙
紋蠟啼紅慵翦紗幃半掩記雲璫瑤山粉融珍簟睡起
援毫戲題新句漫盈卷 睽離鱗雁頓阻似聞頻念我
愁緒無限瑞鴨香銷銅壺漏永誰惜無眠輾轉蓬山恨
遠想月好風清酒登琴薦一曲高歌為誰看黛斂

前調

壽史滄洲

劉圻父

雅歌堂下新堤路柳外行人相語碧藕開花金桃結子

三見使君初度樓臺北渚似畫出西湖水雲深處綵鷁
雙飛水亭開宴近重午溪蒲堪薦綠醕幔亭何惜為
曾孫留住碧水吟哦滄洲夢想未放舟橫野渡維申及
甫正夾輔中興擎天作柱願祝高高歲添長命縷

前調

蟋蟀

姜夔

庾郎先自吟愁賦淒淒更聞私語露濕銅鋪苔侵石井
都是曾聽伊處哀音似訴正思婦無眠起尋機杼曲曲
屏山夜涼獨自甚情緒西牕又吹暗雨為誰頻斷續

相和砧杵候館吟秋離宮弔月別有傷心無數
豳詩謾舉笑籬落呼燈世間兒女寫入琴絲一
聲聲更苦

前調

張輯

西風揚子江頭路扁舟雨晴呼渡岸隔瓜洲
津橫蒜石搖盡波聲千古詩人一去但對峙
金焦斷磯青樹欲下斜陽長淮渺渺正愁予
中流笑與客語把貂裘為浣半生塵土品水
烹茶看碑憶鶴恍似舊曾遊處聊憑陸
誦問八極神遊肯重來否如此江山更蒼烟
白鷺

前調

高觀國

碧雲闕處無多雨，愁與去帆俱遠。倒葦沙間，枯蘭砌冷，
寥落寒江秋晚。樓陰縱覽，正魂怯清吟，病多消黯。怕揖
西風，袖羅香自去年減。風流江左，久客舊遊，得意處，
朱簾曾捲。載酒春情，吹簫夜約，猶憶玉嬌香軟。塵樓故
苑，歎壁月空檐。楚雲飛觀，送絕征鴻，楚峰煙數點。

前調

中秋夜
懷梅谿

高觀國

晚雲知有闕，山念澄霄卷。開清霽，素景中分，冰盤正溢。

何啻嬋娟千里危闌靜倚正玉管吹涼翠觴留醉記約
清吟錦袍初喚醉魂起孤光天地共影浩歌誰與舞
淒涼風味古驛煙寒幽垣夢冷應念秦樓十二歸心對
此想斗插天南鴈橫遼水試問姮娥有愁誰為寄

前調

菊

高觀國

叢幽一笑東籬繞霜華又隨香冷暈色黃嬌嫩枝翠婉
來趁登高佳景誰偏管領是彭澤歸來未荒三徑最愜
清霜道家標致自風韻南山依舊翠倚采花無限思

西風吹醒萬蕊金寒三秋夢好曾記餐英清詠爛斑淚
沁怕節去蜂愁雨荒烟暝明日重陽為誰簪短鬢

前調

白髮

史達祖

秋風早入潘郎鬢斑斑遽驚如許暖雪侵梳晴絲拂領
栽滿愁城深處瑤簪漫妒便羞插宮花自憐衰暮尚想
春情舊吟淒斷茂陵女 人間公道惟此歎朱顏也恁
容易墮去涅了重緇搔來更短方悔風流相悞郎潛幾
縷漸疎了銅駝俊遊儔侶縱有黖黖奈何詩思苦

前調

史達祖

闌干只在鷗飛處
年年怕吟秋興斷
浦沉雲空山挂雨
中有詩愁千頃
波聲未定望舟尾
拖涼渡頭籠暝正好
登臨有人歌罷翠簾冷
悠然魂墮故里奈閒情未了
還被吹醒拜月虛檐聽蛩壞砌
誰復能憐嬌俊憂心耿耿
寄桐葉芳題冷風新詠莫遣秋聲
樹頭喧夜永

前調

賦橙

史達祖

犀紋隱隱鶯黃嫩
籬落翠深偷見細雨重移
新霜試摘

佳處一年秋晚荆江未遠想橘友荒涼木奴嗟怨就說
風流草泥來趁蟹螯健并刀寒映素手醉魂沉夜飲
曾倩排遣沆瀣含酸金罌裏玉簌簌吳鹽輕點瑤姬齒
軟待惜取團圓莫教分散入手溫存帕羅香自滿

前調

湖上即席
分羽字

史達祖

鴛鴦拂破蘋花影低低趁涼飛去畫裏移舟詩邊就夢
葉葉碧雲分雨芳遊自許過柳影閒波水花平渚見說
西風為人吹恨上瑤樹闌干斜照未滿杏牆應望斷

春翠偷聚淺約按香深盟搗月誰是牕間青羽孤箏幾
柱問因甚參差暫成離阻夜色空庭待歸聽俊語

前調

中秋宿
真定驛

史達祖

西風來勸涼雲去天東放開金鏡照野霜凝入河桂濕
一一冰壺相映殊方路永更分破秋光盡成悲境有客
躊躇古庭空自弔孤影江南朋舊在許也能憐天際
詩思誰領夢斷刀頭書開蠶尾別有相思隨定憂心耿
耿對風鵲殘枝露蛩荒井斟酌姮娥九秋宮殿冷

前調

和楚客
賦蘆

方岳

孤蓬夜傍低叢宿蕭蕭雨聲悲切一岸霜痕半江煙色
愁到沙頭枯葉澹雲沒滅黯西風吹老滿汀新雪天豈
無情離騷點點送歸客歸去來今怎得儘鷺翹鷗倚
乍寒時節秋晚山川夕陽浦淑贏得別腸千結濤翻浪
疊那得似西來一筇橫絕搔首江南鴈銜千里月

前調

元夕

翁孟寅

紅香十里銅駝夢如今舊遊重省節序飄零歡娛老大

慵立燈光蟾影傷心對景怕回首東風雨晴難準曲巷
幽坊管絃一片笑相近飛棚浮動翠葆看金釵半溜
春壚紅粉鳳輦鰲山雲收霧斂迤邐銅壺漏迴霜風漸
緊展一幅青綃爭懸孤鏡帶醉扶歸曉醒春夢穩

前調

洪璚

轆轤聲破銀牀凍霜寒又侵鴛被皓月疎鐘悲風斷漏
驚起畫樓人睡銀屏十二歎塵滿絲簧暗銷金翠可恨
風流故人迢遞隔千里相思情緒最苦舊歡無續處

夢魂空費斷鴈無情離鸞有恨空想吳山越水花顛玉
頰但翠黛愁橫紅鉛淚洗待翦江梅倩人傳此意

前調

次周美成韻

方千里

碧紗牕外黃鸝語聲似愁春晚岸柳飄絲庭花墮雪
惟有平蕪如翦重門向掩看風動疎簾浪鋪湘簟暗想
前歡舊遊心事寄詩卷 鱗鴻音信未覩夢魂尋訪後
關山無限客館愁思天涯倦跡幾許良宵展轉情閒意
遠記密閣深閨繡衾羅薦睡起無人料應看黛斂

前調

齊雲樓

吳文英

凌朝一片陽臺影飛來太空不去棟宇參橫簾鈎斗曲
西北城高幾許天聲似語便閭闔輕排虹河平湖問幾
陰晴霸吳平越漫今古西山橫黛瞰碧眼明應不到
煙際沉鷺臥笛長吟層霾乍裂寒月溟濛千縷憑虛醉
舞夢凝白闌干化為飛霧淨洗青紅驟飛滄海雨

前調

壽榮王夫人

吳文英

玉皇重賜瑤池宴瓊筵第二十四萬象澄秋羣裾曳玉

清徹冰壺人世鰲峰對起許分得鈞天鳳絲龍吹翠羽
飛來舞鸞曾賦曼挑字鶴胎曾夢電繞桂根看驟長
玉榦金蕊少海波新芳茅露滴涼入堂階綵戲香霖乍
洗擁蓮媛三千羽裳風佩聖姥朝元煉顏銀漢水

前調

與江湖諸友泛湖

吳文英

麴塵猶沁傷心水歌蟬暗驚春換露藻清啼煙蘿淡碧
先結湖山秋怨波簾翠捲歎霞薄輕綃沁人重見傍柳
追涼暫疎懷袖負紈扇南花清鬪素靨畫船應不載

坡靜詩卷泛酒芳筩題名蠹壁重集湘鴻江燕平蕪未
翦怕一夕西風鏡心紅變望眼愁生暮天菱唱遠

前調

飲白醪感
少年事

吳文英

芙蓉心上三更露茸香漱泉玉井自洗銀舟徐開素酌
月落空杯無影庭陰未暝度一曲新蟬韻秋堪聽瘦骨
侵冰怕驚紋簟夜深冷 當時湖上載酒翠雲開處共
雪面波鏡百感瓊漿千莖鬢雪煙鎖藍橋花徑留連暮
景但閒覓孤歡強寬秋興醉倚修篁晚風吹半醒

前調

登禹陵

吳文英

三千年事殘鴉外無言倦
凭秋樹逝水移川高陵變谷
那識當年神禹幽雲怪雨
翠萍濕空梁夜深飛去鴈起
青天數行書似舊藏處
寂寥西牕坐久故人慳會遇
同翦燈語敗蘚殘碑零圭斷
壁重拂人間塵土霜紅罷
舞漫山色青青霧朝煙暮
岸鎖春船畫旗飄賽鼓

前調

宴丁園

吳文英

竹深不放斜陽入
橫波澹墨林沼斷
菴平煙殘荷剩水

宜得秋深纔好荒亭旋埽正著酒寒輕弄花春小障錦
西風半圍歌袖半吟草倦遊清興易嬾景饒人未勝
樂事常少柳下停車尊前岸幘同撫雲根一笑秋香未
老漸風雨西城暗敲客帽背日移舟亂鴉溪樹繞

前調

吳文英

新煙初試花如夢疑收楚峰殘雨茂苑人歸秦樓燕息
同惜天涯為旅遊情最苦早柔綠迷津亂莎荒圃數樹
梨花晚風吹墮半汀鷺流紅江上去遠翠尊曾共醉

雲外別墅淡月秋千幽香巷陌愁緒傷春深處聽歌看
舞駐不得當時柳蠻櫻素睡起恹恹洞簫誰院宇

前調

吳文英

煙波桃葉西陵路十年斷魂潮尾古柳重攀輕鷗驟別
陳跡危亭獨倚涼颼乍起渺煙磧飛帆暮山橫翠但有
江花共臨秋鏡照顛顛 華堂燭暗送客眼波回盼處
芳豔流水素骨凝冰柔葱蘸雪猶憶分瓜深意清尊未
洗夢不濕行雲漫沾殘淚可惜秋宵亂蛩疎雨裏

前調

贈姜石帚

吳文英

餘香纔潤鸞鴛綃汗秋風夜來先起霧鎖林深藍浮野闊
一笛漁蓑漚外紅塵萬里就中決銀河冷涵空翠岸觜
沙平水揚陰下晚船檝 桃溪人住最久浪吟誰得到
蘭蕙疎綺硯色寒雲籤聲亂葉蘄竹簟紋如水笙歌醉
裏步明月丁東靜傳環珮更展芳塘種花招燕子

前調

南屏晚鐘

陳允平

赤闌橋畔斜陽外臨江暮山凝紫戲鼓纔停漁榔乍歇

一片芙蓉秋水餘霞散綺正銀鑰停關畫橈催樣魚板
敲殘數聲初入萬松裏坡翁詩夢未老翠微樓上月
曾共誰倚鄉苑煙花宮斜露草幾度西風彈指黃昏盡
矣有眠月間僧醉香遊子鷺嶺猿啼喚人吟思起

前調

次周美成韻

陳允平

客愁都在斜陽外凭闌桂香吹晚亂葉蟬哀寒汀鷺泊
離緒并刀難翦牙屏半掩漸塵撲冰紈浪收雲簟露入
征衣滿襟秋思付詩卷還思前度問酒鳳樓人共倚

歸興無限鴈影亭皋蛩聲院落雙闕明河清轉田園夢
遠歎籬菊初開澗蓴堪薦拄笏西風四山煙翠斂

前調

慶李樓峰

文天祥

南樓月轉銀河曙玉簫又吹梅早鸚鵡沙晴葡萄水暖
一縷燕香清裊瑤池春好想桃露霏霞菊波沁曉袍錦
風流御仙花帶瑞虹繞玉關人正未老喚磯頭黃鶴
岸中談笑劔拂淮清槩橫楚黛雨洗一川烟草印黃似
斗看半硯薔薇滿鞍楊柳沙路歸來金貂蟬翼小

前調

燈屏

文天祥

夜來早得東風信
瀟湘一川新綠柳色含晴
梅心沁暖
春淺千花如束
銀蟾乍浴正沙鴈將還
海鰲初轟雲擁
旌旗笑聲人在畫闌曲
星虹瑤樹縹緲珮環鳴碧落
瑞籠華屋露耿銅虬冰翻鐵馬
簾幕光搖金粟遲遲倚
竹更為托瑤尊滿斟醴醕
回首宮蓮夜深歸院燭

前調

梅二首

周密

宮檐融暖晨妝懶
輕霞未勻酥臉倚竹嬌顰
臨溪瘦影

依約尊前重見盈盈笑靨映珠絡玲瓏翠綃葱蒨夢入
羅浮滿衣清露暗香染 東風千樹易老怕紅顏漸減
芳意偷變贈遠天寒吟香夜永多少江南新怨瓊疏靜
掩任翦雪裁雲競誇輕豔畫角黃昏夢隨春去遠

前調

周密

東風又入江南岸年年漢宮春早寶屑無痕生香有韻
消得何郎花惱孤山夢繞記路隔金沙那回曾到夜月
相思翠尊誰共飲香醪 天寒宮怨贈遠水邊憑為問

春到多少竹外凝情牆陰照影誰見嫣然一笑冷香未
了怕玉管西樓一聲霜曉花自多情看花人自老

前調

赤壁
重遊

周密

清溪數點芙蓉雨蘋颺涼泛吟鷁洗玉空明浮珠沆瀣
人靜籟沉波息仙潢咫尺想翠羽瓊樓有人相憶天上
人間未知今夕是何夕 此生此夜此景自仙翁去後
清致誰識散髮吟商簪花弄水誰伴空江橫笛流年暗
惜怕一度西風井梧吹碧底事閒愁醉歌浮大白

前調

周密

曲屏遮斷行雲路西樓怕聽疎雨硯凍凝華香寒散霧
呵筆慵題詩句長安倦旅歎衣染塵痕鏡添秋縷過盡
飛鴻錦箋誰與寄愁去 簫臺應是怨別曉寒梳洗嬾
依舊看嫵酒滴爐香花園座暖閒却珠鞵鈿柱芳心謾
語恨柳外遊韉繫情何許暗卜歸期細將梅蕊數

前調

蟬

周密

槐陰忽送清商怨依稀正聞還歇寫怨聲長危絃調苦

前夢蛻痕枯葉傷情惜別是幾度斜陽幾回殘月轉眼
西風一襟幽恨向誰說 輕鬟猶記動影翠娥應妒我
雙鬢如雪枝冷頻移葉疎猶抱肯負好秋時節淒淒切
切漸迤邐黃昏砌蛩相接露洗餘悲暮煙聲更咽

前調

次二隱
寄梅

周密

護春簾幙東風裏當年問花曾到玉影孤寒冰痕半拆
漠漠凍雲迷道臨流更好正雪影逢迎陰光相照夢入
羅浮古苔啁翠禽小 一枝空念贈遠溯波流不到

心事誰表倚竹天寒吹香夜冷幾度日昏霜曉尋芳欠
早怕鶴怨山空鴈歸書少不恨春遲恨春容易老

前調

蟬

王沂孫

一襟餘恨宮魂斷年年翠陰庭樹乍咽涼柯還移暗葉
重把離愁深訴西牕過雨怪瑤珮流空玉箏調柱鏡暗
妝殘為誰嬌鬢尚如許銅仙鉛淚似洗歎移盤去遠
難貯零露病翼驚秋枯形閱世消得殘陽幾度餘音更
苦甚獨抱清商頓成淒楚漫想薰風柳絲千萬縷

前調

四明別友

王沂孫

十洲三島曾遊處，離情幾番悽惋。墜葉重題，枯條舊折，
蕭颯那逢秋半。登臨頓懶。更葵篔難留，芼衣將換。試語
孤懷，豈無人與共幽怨。遲遲終是也，別算何時趁取。
涼生江滿，挂月催程收風，借泊休意。征帆已遠，山陰路
畔，縱鳴壁猶蛩過樓。初雁政恐黃花笑人歸較晚。

前調

北地遇江菊坡

張炎

十年前事翻疑夢，重逢可憐俱老。水國春空，山城歲晚，

無語相看一笑荷衣換了任京洛塵沙冷凝風帽見說
吟情近來不到謝池草 歡遊曾步翠窈亂紅迷紫曲
芳意今少舞扇招香歌撓喚玉猶憶錢塘蘇小無端暗
惱又幾度留連燕昏鶯曉回首妝樓甚時重去好

前調

杭友遇鑿
曲漁舍

張炎

春風不暖垂楊樹吹却絮雲多少燕子人家夕陽巷陌
行入野畦深窈萼花鬪草記小舫尋芳斷橋初曉那日
心情幾人同向近來老 銷憂何處最好夜遊頻秉燭

猶是遲了南浦歌闌東林社冷贏得如今懷抱吟悰暗
惱待醉也慵聽勸歸啼鳥怕攪離愁亂紅休去掃

前調

寄太白山人陳文卿

張炎

薛濤箋上相思字重開又還重摺載酒船空眠波柳老
一縷離痕難折虛沙動月歎千里悲歌唾壺敲缺却說
巴山此時懷抱那時節寒香深處話別病來渾瘦損
懶賦情切太白閒雲新豐舊雨多少英遊銷歇回潮似
咽送一點秋心故人天末江影沉沉露涼鷗夢闊

前調

遊北
山寺

張炎

雲多不記山深淺
人行半天巖壑曠
野飛聲虛空倒影
松挂危峰疑落瀑
泉噴薄自窈窕
窈窕尋源引瓢孤酌倦倚
高寒少年遊事老方覺
幽尋閒苑邃閣樹涼僧坐夏
翻笑行樂近竹驚秋穿蘿誤
晚都把塵緣消却東林似
昨待學取當年晉人曾約
童子何知故山空放鶴

前調

章靜山
別業

張炎

一窓煙雨連荒草
移家靜藏深窈
窈東壁圖書南山杞菊

誰識幽居懷抱疎陰未掃歎喬木猶存易分殘照慷慨
悲歌故人多向近來少相逢何事欠早愛吟心共苦
此意難表野水無鷗閒門斷柳不滿清風一笑荷衣製
了待尋壑經丘遡雲孤嘯學取淵明抱琴歸去好

前調

送周方
山遊吳

張炎

朗吟未了西湖酒驚心又歌南浦折柳官橋呼船野渡
遠聽垂虹風雨飄流最苦況如此江山此時情緒怕有
鴟吞笑人何事載詩去荒臺只今在否登臨休望遠

都是愁處暗草埋沙明波洗月誰念天涯羈旅荷陰未
暑快料理歸程再盟鷗鷺只恐空山近來無杜宇

前調

抵吳寄
舊友

張炎

分明柳上春風眼曾看少年人老雁拂沙黃天垂海白
野艇誰家昏曉驚心夢覺漫慷慨悲歌賦歸不早想得
相如此時終是倦遊了 經行幾度怨別酒痕消不盡
空被花惱茂苑重來竹溪深隱還勝飄零多少羈懷頓
掃尚識得妝樓那回蘇小寄語鷗盟問春何處好

前調

餞于壽
道應舉

張炎

幾年槐市槐花冷天風又還吹起故篋重尋閒書再整
猶記燈牕滋味渾如夢裏見說到如今早催行李快買
扁舟第一橋邊趁流水 陽關須是醉酒柳條休要折
爭似攀桂舊有家聲榮看世美方了平生英氣瓊林宴
喜帶雪絮歸來滿庭春意事業方新大鵬九萬里

前調

送岑對碧為
陸起潛賦

張炎

翠屏缺處添奇觀修眉遠浮孤碧天影微茫煙痕黯淡

不與千峰同色，凭高望極，向簾幙中間，冷光流入，料得
吟僧數株松下坐。蒼石泉源猶是故跡，煮茶曾咏古
還記遊歷，調水符閒，登山屐在，却倚闌干，斜日輕陰，易
失看飄忽。風雲晦明，朝夕為我飛來，傍江橫峭壁。

前調

為湖
天賦

張炎

扁舟忽過蘆花浦，閒情便隨鷗去。水國吹簫，虹橋問月，
西子如今何許。危闌漫撫，正獨立蒼茫，半空飛露。倒影
虛明，洞庭波映廣寒府。魚龍吹浪自舞，渺然凌萬頃。

如聽風雨夜氣浮山晴暉薄日一色無尋秋處驚鳧自
語尚記得當時故人來否勝景平分此心遊太古

前調

遷居

張炎

桃花零落玄都觀劉郎此情誰語鬢髮蕭疎襟懷澹蕩
空賦天涯羈旅離情萬縷第一是難招舊鷗今雨錦瑟
年華夢中猶記豔遊處依依心事最苦片帆渾是月
獨抱淒楚屋破容秋牀空對雨迷却青門瓜圃初荷未
暑歎極目烟波又歌南浦燕忽歸來翠簾深幾許

前調

陸義齋壽日
放舟遊吳

張炎

清時樂事中園賦怡情楚花湘草秀色通簾生香聚酒
修景常留池沼閒居自好奈車馬塵喧未教聞了把菊
清遊冷紅飛下洞庭曉尋泉同步翠杳更將秋共遠
書畫船小款竹誰家鷗盟某水白月光涵圓嶠天浮浩
渺稱綠髮飄飄朔風舒嘯緩築沙堤渭濱人未老

前調

仲賓子昂寫
竹石枯木

張炎

老枝無著秋聲處蕭蕭倦聽風雨暗飲春腴欣榮晚節

不載天河人去心存太古喜冰雪相看此君欲語共倚
雲根歲寒羞并歲寒所當年曾見漢館捲簾頻坐對
飛夢湘楚歎我重來何堪如此落葉空江無數盤桓屢
撫似冉冉吹衣頗疑非霧素壁高堂晉人清幾許

前調

劉瀾

玉釵分向金華後回頭路迷仙苑落翠驚風流紅逐水
誰信人間重見花深半面縱歌得新詞柳家三變綠葉
陰陰可憐不似那時看劉郎今度更老雅懷都不到

書帶題扇花信風高苔溪月冷明日雲帆天遠塵緣較
短怪一夢輕回酒闌歌散別鶴驚心感時花淚濺

前調

初秋

王月山

夜來疎雨鳴金井一葉舞風紅淺蓮渚生香蘭皋浮爽
涼思頓欺班扇秋光冉冉任老却蘆花西風不管清興
難磨幾回有句到詩卷長安故人別後料征鴻聲裏
畫闌凭徧橫竹吹商疎砧點月好夢又隨雲遠閒情似
線共繫損柔腸不堪裁翦聽著寒蛩一聲聲是怨

前調

薄廳
壁燈

趙必璩

紅紛綠鬧東風透暖得枳花香也雪柳燃金玉梅鋪粉
妝點春光無價黿蓬如畫簇萬頃芙蕖桂華相射豔冶
逢迎香塵滿路飄蘭麝人生行樂聊爾況良辰美景
好天晴夜鹽帖爭先芋郎卜巧細說成都舊話傳觴立
馬看翠陣珠圍歌棚舞社酒盡更闌月在葡萄架

前調

儲泳

東風一夜吹寒食紅片枝頭猶戀宿酒初醒新吟未穩

凭久闌干留暖將春買斷恨苔徑榆堦翠錢難貫陌上
秋千相逢誰認舊時伴輕衫粉痕褪了絲緣餘夢在
良宵偏短柳線經煙鶯梭織霧一片舊愁新怨慵拈象
管待寄與深情怎憑雙燕不似楊花解隨人去遠

前調

寄弁
陽翁

李萊老

半空河影流雲碎亭皋嫩涼收雨井葉還驚江蓮亂落
弦月初生商素堂深幾許漸爽入雲幃翠綃千縷紈扇
恩疎晚螢光冷照牕戶文園顛顛頓老又西風暗換

絲鬢無數燈外殘碁琴邊瘦枕一一情傷遲暮故人倦
旅料渭水長安感時吟苦政自多愁砌蛩終夜語

前調

客長
安賦

王易簡

宮煙曉散春如霧參差護晴牕戶柳色初分餽香未冷
正是清明百五臨流笑語映十二闌干翠嚔紅妒短帽
輕鞍倦遊曾徧斷橋路東風為誰媚嫵歲華頻感慨
雙鬢何許前度劉郎三生杜牧贏得征衫塵土心期暗
數總寂寞當年酒籌花譜付與春愁小樓今夜雨

前調

蟬

唐藝孫

柳風微扇間池閣深林翠陰人靜漸理琴絲誰調金奏
淒咽流空清韻虹明雨潤正乍集庭柯凭闌新聽午夢
驚回有人嬌困酒初醒西軒晚涼又嫩向枝頭占得
銀露千頃蛻翦花輕翼翻紙薄老去易驚秋信殘聲送
暝恨秦樹斜陽暗催光景淡月疎桐半牕留鬢影

前調

蟬

呂同老

綠陰初蔽林塘路淒淒乍流清韻倦咽高槐驚嘶別柳

還憶當時曾聽西牕夢醒歎弦絕重調珥空難整綽約
冰綃夜深誰念露華冷 不知身世易老一聲聲斷續
頻報秋信墜葉山明疎枝月小惆悵齊姬薄倖餘音未
盡早枯翼飛仙暗嗟殘景見洗冰匳怕翻雙翠鬢

前調

蟬

練恕可

蛻仙飛珮流空遠珊珊數聲林杪薄暑眠輕濃陰聽久
勾引淒涼多少長吟未了想猶怯高寒又移深窈與整
綃衣滿身風露正清曉 微薰庭院晝永那回曾記得

如許幽抱斷響難尋餘悲獨省葉底還驚秋早齊宮路
杳歎事往魂消夜間人悄漫想輕盈粉匿雙鬢好


前調

蟬

唐珣

蛻痕初染仙莖露新聲又移涼影珮玉流空綃衣翦霧
幾度槐昏柳暝幽牕睡醒奈欲斷還連不堪重聽怨結
齊姬故宮煙樹翠陰冷 當時舊情在否晚妝清鏡裏
猶記嬌鬢亂咽頻驚餘悲漸杳搖曳風枝未定秋期話
盡又抱葉淒淒暮寒山靜付與孤蛩苦吟清夜永

御選歷代詩餘卷七十七



總校官庶吉士臣張能照

校對官庶吉士臣陳文樞

謄錄監生臣宋錯

謄錄舉人臣呂燕昭